

Da'i uz Zamaan TUS and Majlis e Husaini

Woh kya samjhe jo Bazm e Da'i mai aaya nahi karte,
Haqeeqat mai woh Lutf e Zindagi paaya nahi karte,

Sitaara Awj par rakhkhe Khudaa, Haatim ki Da'wat ka,
Jo Daakhil hote hai Da'wat mai pastaaya nahi karte,

Ali ke maanne waale hai batla do Jahaan ko Tum,
Laqab Alavi hai, ye kehne mai sharmaaya nahi karte,

Jo samjhe hai, samajhte hai, samajhne waale Da'i ko,
Kabhi bhi woh Saff e Iblees mai jaaya nahi karte,

Nahi woh jaante kyaa hoti hai Tawqeer Majlis ki,
Kabhi rote nahi Majlis mai jo aaya nahi karte,

Ghamm e Shabbir mai Dil moom jiska ho nahi sakta,
Farishte Fazl ka unpar kabhi saaya nahi karte,

Kahaan hoga thikaana jo hai Dushman Da'i e Haqq ke,
Kabhi Dawzakh mai Mujrim aise bhi aaya nahi karte,

Kisi ka is Jahaan mai thaamna hai Haath har ek ko,
Jo hai Mu'min woh Gumraahi se Haath dhoya nahi karte,

Khudaa Jannat ka Tohfah dega jo royega Majlis mai,
Husaini, waqt apna aur kahin zaaya nahi karte,

Shah e Karb o Balaa ke Da'i hai Haatim Zakiyuddin,
Woh Lamha Zikr e Sheh mai ek bhi khoya nahi karte,

Shahidaan e Jafaa the teen Din ke bhuke aur pyaase,
Jo Mu'min inke hai woh in Dino khaaya nahi karte,

Waqaf kardi hai puri Zindagi Maulaa ne Millat par,
Jo Khidmat karte hai, Ghaflet mai woh soya nahi karte,

Imaaduddin hai Ma'zoon is Gulshan ke Haatim ke,
Jo Gul khilte hai is mai kabbhi murjhaaya nahi karte,

Ke Tum karte raho Midhat hamesha Da'i ki Anwar,
Ye woh Poonji hai jisko Chor le jaaya nahi karte.

From:

al-Vazaarat ul Alaviyah,

'Abd e Saiyednal Min'aam TUS,

Mukaasir ud Da'wat Saiyedi Mohammad Bhaisaheb Nuruddin saheb.

1-1-1443 AH